



Case

F

39

.326

1610 ad

n.c. Belong



ADVERTISSE

MENT AUX BONS FRAN-
COIS SVR LA LETTRE DE-
claratoire presentee à la Royne Mere du
Roy, Regente en France, par
le Pere Cotton.

*Avec quelque Stances à la loüange de tres-heureuse
memoire Henry le grand, Roy de France
& de Navarre.*

MESSIEVRS,
Ces iours passez la iustice douleur d'un
tres-cruel assassinat, commis en la per-
sonne sacree d'HENRY LE GRAND,
conuia l'Abbé du Bois Olinier Parisien, Pre-
dicateur & tres-fidele & loyal seruiteur de cet
incomparable Monarque, de detester franche-
ment l'enormité d'un crime si execrable, dans vne
des premieres chaires de la capitale de ce Roy-
aume, où il preschoit les octaues du saint Sa-
crement, & ou le peuple s'attend de l'ouyr enco-
re pendant cet Aduent prochain s'il est en vie.

Et la vne apprehension du danger du Roy
Loys XIII. donné de Dieu, & de la Royne
MARIE DE MEDICIS, sa mere aujour-

d'huy l'vnique soustien de ceste Couronne, au service desquels cet Abbé s'est du tout voué & dédié, le contraignit de refuter hardiment les pernicieux auteurs, qui par les appats de leur eloquence tres mal employée, ont mis en la main du desesperé parricide, le couteau qui trenchea la vie de nostre Roy, & auéc luy esbranla bien fort celle de toute la France.

Cette Predication fut sans dessein, sans suscitation de personne, sans sinistre intétion & sans haine, le Predicateur n'ayant pretendu autre chose par son discours, que de mettre vne telle terreur dans l'ame du peuple, que le premier qui penseroit doresnauant à meurtrier vn Prince, ou qui sous couleur de traiter la question *s'il est loysible de tuer les tyrans*, donneroit occasion de respa die le sang Royal, eust crainte que tout le monde ne luy courust sus comme sur vn damné & perdu.

Sa considération fut, que les peines presentes arrestent plustost telle rage & forcennerie, que l'apprehension des supplices aduenir: & que le mal'heureux & diabolique meurtrier, fut plus frappé de l'indignation qu'il recogneut en tout le peuple lors qu'il sortit de la Conciergerie, que de tous les tourments qui luy auoient esté ordonnez par la Iustice. Ce qui mit en l'entendement du Predicateur, vne Maxime; *que le plus prompt remede qui se trouue pour arrester ces trops hardis entrepreneurs, subtils & malings discoureurs, est de les menasser d'estre exposez à la fureur d'vne populace, qui espouuante beaucoup plus que le cours de Iustice ordinaire, que les plus rusez & matois se promettent constumierement pouuoir eluder,*

ou par artifices, ou par vn opiniastre & endurcy silence: là où en vne fureur populaire il n'y a point de misericorde, & les Caractères y perdent leur Latin.

Cette Predication a la verité fut accompagnée de trespitoyables remonstrances au peuple François, sur les incroyables obligations que la France aura à tousiours au l'hœnix des bons Roys, tant estrangement meurtry & assassiné: & de douloureuses exclamatiōs sur l'atrocité du fait, qui n'approcherent neantmoins iamais de celles que firent les anciens Peres, au sixiesme Concile de Tolède, sur le meurtre d'un Roy Goth massacré en Espagne.

Elle fut aussi par force gens de bien iugee tres-necessaire à la seureté des inuiolables personnes des Princes: comme au contraire estimee trop hardie, par ceux qui ont des dessains portez plustost à leur accroissement particulier, qu'au bien commun de cette Monarchie: qui de cette predication là, iugerent bien vîte que ceste libre bouche ne seroit pas volontiers pour eux ouuerte à Paris.

Et pourtant ils prirent resolution de la clorre à quelque prix que ce fut & entre autres moyens qu'ils en trouuerent (car ils en ont tenté & tentent encore plusieurs, qui ne leur reüssiront pas si Dieu plaist) le plus prompt & assuré leur sembla estre, de rendre cet Abbé odieux à la Royne.

Et se seruant de l'occasion, sur ce qu'il auoit refuté Mariana, Becanus, Bonarsius, Ribadeneira, Emanuel Sà, & autres autheurs Iesuites, qui ont escrit trop iurieulement contre l'honneur de feu nos deux Roys derniers decedez, ou traité trop indiscrettement

4
& temerairement la question, *s'il est loisible de tuer les Tyrans ?* ou dit autres choses qui preiudicient à l'indépendance de cette Monarchie, *qui ne releue que de Dieu & de l'ézée,* & en les refutant, exhorté incidamment de tout son cœur les Peres Iesuites, que par cy apres ils eussent tresgrand soin, que iamais aucun autheur qui peult offencer la France, ne sortist en lumiere, avec le nom de leur compagnie, & approbation de leurs superieurs, s'ils ne vouloyent de gayeté de cœur s'exposer à des dangers que toute leur prudence fortifiée de l'autorité de leurs confidants, ne scauroit éviter.

De cecy ils font le nerf de leur accusation, & disent à la Royne que l'Abbé auoit pensé esmouvoir vne sedition contre les Iesuites.

Or ne firent ils pas leur fait si secretement que ledit Abbé n'en fust des aussi-tost aduertty par des *Grands de la Cour*, comme aussi du mescontentemēt que la Royne en auoit tesmoigné. Ce qu'il dissimula doucement, se reposant sur la iustice & equité de sa Maiesté, qui n'estoit pas pour condamner aucun definitiuement sans l'ouyr en ses iustifications.

Seulement recōmanda-il à Dieu son bon droit, & se tint prest de rendre compte de son action à sa Maiesté, quand il luy plairoit s'en esclaireir par la voix de l'accusé, qui n'estima pas que la Royne, qui est des plus sages & aduisees Princesses de tout l'vniuers, fust pour luy clorre la bouche sur le rapport d'autrui : parce qu'elle scauoit tres-bien, qu'il est vray François & n'a *aucun serment qui l'oblige hors le Royaume,* & pource aussi que ce faisant, il fal-

loit qu'elle fit taire *beaucoup d'autres Predicateurs & Curez* qui auoient patlé auant que luy, & qui au *grand creueccœur des miereffez*, veillent iour & nuict à la feureté des personnes du Roy & de la Roynes, & au repos de cet estat, qui a pour Pole vnicque de sa Religion & de sa gloire ceste tres-chaste & tres-vertueuse Princefle.

Ce pendant il fust auffi preueni de pareille accusation deuant ce sage & digne Prelat *Monsieur de Paris*, qui à l'imitation de ce grand Dieu, qui disoit, *le descenderay & verray*, voulut ouyr l'accusé; de la responce duquel il recueillit sur le champ, que ce n'estoit ny passion, ny inimitié, ny rancune contre les Iesuites ou autres, qui l'auoient porté à prescher ce qu'il auoit presché: mais l'effroyable horreur, & l'indicible douleur de l'estrange mort de son tresbon maistre: & le doubte probable du peril du Roy & de la Roynes, tandis que ces maudits liures auroient cours parmy les hommes: & pourtant, le renuoya, apres l'auoir doucement admonesté de viure en amitié avec tous les autres seruiteurs de Dieu, & sur tout avec les Iesuites; & de continuer à prescher l'obeyssance deuë au Roy & à la Roynes, & à louer les haults merites du feu Roy, sans offencer personne.

Autant en firent, chacun en son endroit, ces deux grandes lumieres, l'une de la Religion Romaine *Monsieur le Cardinal du Perron*: & l'autre de l'estat de France *Monsieur de Sillery Chancelier*, qui tres affablement & benignement assura cet Abbé, qu'en continuant de bien seruir à Dieu & à l'estat, iamais la protection de la Roynes ne luy deffail-

roit, ny l'assistance de tous les bons seruiteurs.

Voyla donc le Predicateur fort content, & tout resolu de faire tousiours de bien en mieux: ne pensant pas qu'apres la diligence de ces grands personages, il luy restast autre chose, que de monstrier par cy par là en ses predications, quand la matiere l'y porteroit, qu'il n'auoit point eu, & n'auroit iamais intention de taxer tout le corps des leuites, ains seulement de blasmer quelques particuliers auteurs d'iceluy. Mais sur ces entrefaictes, le bruit couroit par Paris, que ces bons Peres disoient & faisoient merueilles contre luy, & notamment dans la Cour. Dequoy estant aduertty, il respondit qu'il ne le pouuoit croire; par ce que de sa vie il ne leur donna iuste cause de le hayr, au contraire les auoit ayez & honnorez des sa ieunesse, & les aymeroit & honoreroit tousiours, adioustant que quand bien il les auroit faschez en quelque maniere, il ne se pouuoit persuader que gens de leur robe fussent enclins à vengeance.

Vengeance! dit vn de ceux qui luy parloit, ils en ont tant, qu'ils ont porté vn Seigneur de la Cour à menacer, qu'il vous ietteroit en la riuiere. Ce fut lors que le pauvre Abbé travaillant de ioye, se mit à deux genoux, & leuant les yeux au Ciel s'escria. *Ha mon bon Dieu, feroit il bien possible que vostre diuine Maiesté se dignast faire tant de grace à vn pauvre pecheur & ver de terre, tel que moy de luy octroyer la couronne de martyr, pour auoir maintenu que les personnes sacrées de nos Princes tres-Chrestiens enfans aïsnez de l'Eglise, ausquels vostre Toute puissance a donné à gouverner les pures & blanches fleurs de lys, sont inuiolable, & ne se doiuent offencer.*

ainsi soit-il mon Dieu, ainsi soit il, ie suis tout prest de recevoir la mort pour ce regard, vienne quand il luy plaira: elle ne me fera trespas ains triomphe, non vitupere, mais honneur, non amertume, mais douceur.

Tandis qu'il parloit encore, il survint vn autre personnage de qualité, qui l'asleura avoir ouy dire aux Iesuites, que ce sermon là, luy auoit fait perdre la bien-veillance de nostre Saint Pere, & de plusieurs Euesques: & qu'il ne falloit plus qu'il attendist de faueur du costé de Rome. Pl^{is} que iamais, respondit l'Abbé, pourueu qu'on escriue la verité à sa SS. qui me congnoist bien, sçait que ie bruslois d'amour enuers HENRY le GRAND, & que la plus sensible playe que i'aye iamais receüe, a esté la perte de mon maistre, & d'un tel maistre, qui me cognoissoit mieux que ie ne me cognoissois moy-mesme, & enuers lequel ie n'auois pas peur de pouuoir estre calomnié. Il dit aussi, qu'il ne falloit pas douter, que la façon de ceste mort tres-inhumaine ne touche sensiblement le Pape, qui outre sa dignité de souuerain Euesque de tous les Chrestiens, est encore Roy en ses terres: & a grand interest que l'opinion de Mariana & de ses consors soit exterminée hors du mode: En somme il nous asseura que sa santé sçauoit fort-bien quel estoit son cœur enuers tous les Religieux, lesquels il se garderoit bien d'offencer en corps, pour les fautes de leurs membres particuliers, & qu'il esperoit que dans peu de iours, Dieu manifesterait son innocence au Pape, à la Royne & à tout le monde, & qu'il seroit encore plus aymé d'eux que iamais.

Or semble-il qu'il deuinast pour lors, ce qui est

du depuis arriué. Car à peine la Lettre declaratoire du P. Coton fust publiée, que l'Abbé vint à moy & me dit en riant. *Et bien Monsieur. les Iesuites me veulent il mal comme on disoit : s'ils me veulent mal, ils veulent donc mal à eux mesmes : puis qu'ils commencent en ceste lettre, encore que ce ne soit qu'à demie bouche, à detester ce que j'ay detesté si courageusement, pleust à Dieu que leur lettre telle qu'elle est, fust sortie en campagne pendant la vie d'HENRY le GRAND, que de bon-heur pour la France ! que de repos pour les Curez & Predicateurs qu'ont couru & courent encore tant de risques pour auoir descrié Mariana, Becan, Bonarsius, Vascués, & autres auteurs Iesuites ! que de consolation à la Cour de Parlement ferme bouclier de ses Roys & de leur Monarchie, si elle n'eust iamais esté contrainte de se servir du feu, pour purger l'air François de la peste & contagion, que ce pernicious Iesuite y auoit amenée !*

Il est vray que comme on dit en prouerbe, apres la mort est venu le medecin, mais aussi est il vray que si ce n'a esté pour le Pere, ce pourra estre pour la vesue & les heritiers. Prudents Curez de Paris, Bons Predicateurs François, Docte faculté de Theologie, Iuste Parlement, c'est vostre constance qui a fait esclorre cet œuf, que les Iesuites conuoient comme dit le P. Coton, depuis leur congregation Provinciale de l'an 1606. dans le secret de leur compagnie. L'auois pieça requis par lettres le Tres-illustre & Tres-pieux Cardinal Belarmin, de ce desadueu public de tous les Iesuites, preuoiant bien que Mariana nous apporteroit de la tempeste à bon escent.

Et que sert ce desadueu du Pere Coton, dis-je lors à l'Abbé, puis qu'il est tout Amphibologique & farcy d'Equiuoques, & mots à deux ententes, & plustost

9
plustost vne mysterieuse Cabale qui ne peut estre
dechifree, que de ceux qui entendent son Galima-
matias & son iargon, qu'un ingenu & franc dis-
cours. Il sert, respondit l'Abbé à tout le moins à faire
voir au Pape, à la Roïne, & à toute la France, que les Cu-
rez & Predicateurs n'ont pas eu tort, en blasmat, ce que
ceux là mesme (sous couleur desquels on les accuse) ne
peuvent moins faire que de detester: & à mettre pour un
temps hors de court & de procez, les appointés contraires.
Il sert à raddresser au bon chemin tant de p^{eu}uues de-
uoyez, desquels les prisons de Paris sont plaines, pour
auoir follement parlé du meurtre des Roys, qui voyant
que les Iesuites reprochent l'auteur ou ils ont puisé leur
resuerie, reuiendront aisément à cœur, & recognoistront
leur faute. Il sert en fin, d'acheminement a vne expresse
& ample declaration, qu'ils seront quelque iour contraincs
de faire toute absolue & sans restrainte, afin qu'ils viuent
parmy nous en tout repos & tranquillité, & travaillent
conioinctement a la vigne de Dieu sans schisme ny diuision.
J'espere quand a moy qu'ils auront quelque amy qui les
aduertira en secret des notables defaux de leur lettre, afin
de les corriger a la prochaine impression, & de parler Fran-
çois a bouche ouuerte. Vous avez raison d'vsr de ces
mots, notables defaux, repliquay-ie à l'Abbé: car
par trois considerations, on peut veoir en ceste
lettres d'estranges dispositifs à mal. Et premiere-
ment, les Curez & predicateurs François ensei-
gnent, conformément à l'expresse parole de Dieu,
à la pratique de la primitive Eglise, à la plus
grande seureté des Princes, & tranquillité du peu-
ple, qu'il n'est nullemēt licite de tuer le Tyran, les auteurs
alleguez par Pere Coton & sur tout de *Valentin*,

limitent cecy si ce n'est par iugement public, ce que néanmoins ledict Pere Coton a teu, Dieu sçait pourquoy & avec quelle sincerité ; ô que de malheurs sous ce iugement public ! que de baricades ! que de ligues & autres choses que ie n'ose dire lo iugement public ! belle couuerture pour l'ambition des grands, ou pour le mescontentement des peuples. Secondement les Curez & Predicateurs François fortifient l'authorité Royale par infinis beaux textes de l'Escripture sainte, puillante à captiuer les esprits, & par ce qu'ils combattent à outrance, se seruent de *la parolle de Dieu glaive de salut*. Le P. Coton comme s'il n'y auoit point de *resine en Galad*, rend ceste authorité Royale illusoire & poëtique, n'allegant pour la fortifier qu'Homere & Menandre. Aussi ne faiët-il que tirer des brettes comme vn escrimeur, qui ne veut entamer la chair : d'où on recueille en quelle estime il a la dignité Royale ; qu'il traite poëtiquement & si negligement. Tiercement, les Curez, & Predicateurs François ont fauorables en leur assertion, deux grands corps de doctrine & de police, deux bouches veritables, celle du Ciel & de la terre, la faculté de Theologie de Paris, & le Parlement ; & le Pere Coton n'a que des auteurs estrangers, pour la pluspart, & des fauteurs plains d'interest, portez par le plaisir, ou allechez par l'espoir de quelque faueur dedans ou dehors ce Royaume, & partant empeschez de dicerner le vray du faux, le doux de l'amer, la lumiere des tenebres. & preuenus d'vne maladie d'esprit, de laquelle les fortes ames ne se lerront iamais abbatre.

Misere de la France, qu'on la vueille faire aveugle, & que les passions des Iesuites y seruent de loix, Les Iesuites le disent, le P. Coton l'escriit, ergo il est vray. Tourne la medaille François & dis, les Iesuites le disent le P. Coton l'escriit, Ergo c'est chose suspecte. *Timco Danaos. Et nunc Reges intelligite* Psalms. 2. 10. *Erudimini qui iudicatis terram.* Et vous Roys maintenant entendez, prenez instruction qui iugez la terre. Mais vous plus que tous Tres-grande Royne MARIE DE MEDICIS, qui estes responsable deuant Dieu & la France, du tres-precieux deppost, que la Cour de Parlement qui vous a declaré Regente par Arrest, suivant la nature & les anciennes ordonnances de France, à coi signé entre vos mains, de la personne de ce tendre Aignelet LOYS XIII. Dieu donné, que les yeux malades de ces Doctrinaires peuuent aisement enforcer.

Nescio quis teneros oculus mihi fascinat agnos.

Plutarque 5. *simpos.* chapitre sept, ce grand Moral & homme d'estat vous auiſe, que les sages Meres ne laissent pas voir, ou pour le moins regarder longuement leurs enfans, à ceux qui ont l'œil charmeur, quelques parents amis ou familiers qu'ils soient. *Ne turpis, dit vn Ancien, inuadat illos sensim morbus, & inuidia corrumpatur gratia forma.* Je ne ſçay point tant de subtilité, respondit l'Abbé. Seulement ie ſçay bien, qu'il y a force gens qui voudroient que nous fuſſions deſ-ja aux eſpées & aux couteaux ensemble, pour faire leurs affaires & peſcher en eauë trouble, mais nous, ny ferons pas, s'il plaist à la Royne, & à Nosſeigneurs de son Conseil, laisser faire les bons François qui

ont l'œil à l'erte, & qui feront suer iusques au sang
 par leur langues & par leurs plumes, ceux qui en-
 seigneront ou feront autrement qu'ils ne doiuent
 en France, contre lesquels tout bon François doit
 dire 1^{er} salm. 138. 21. *Perfecto odio oderam illos, inimici
 facti sunt mihi.* Je les haylois de parfaite haine, ils
 m'ont esté faits ennemis. A dieu A dieu, di-lors à
 l'Abbé, si tout le monde viuoit comme vous.

*Nous chanterions longue amees
 Maléré les Ames basanees,
 Vive le Lys, vive le Roy.*

*Soubs vn seul DIEU en mesme foy,
 Vine la mere du Roy LOVYS
 Vine MARIE de MEDICIS,*

*Et vive la paix de la France,
 Qui durera plus qu'on ne pense,
 Vine en noz cœurs le GRAND HENRY
 Par qui les lys ont refleuruy.*

STANCES A LA LOVANGE DE
TRES-HEVREUSE MEMOIRE HENRY .
le grand, Roy de France &
de Nauarre.



Omme vn foudre du Ciel, comme vn torrent
de Mars

le tonnay, Iestormay des Hectors aux allar-
mes,

le branay les destins, & l'horreur des ba-
zards,

Se rendit hommager à l'honneur de mes armes.

Je sauonnay mes lys dans le fleuve de sang,
Qu'vn million de cœurs enflor de son carnage,
Et pensant me noyer aux ondes de mon flanc,
Je noyay leurs desseings aux flots de mon courage.

On arma contre moy l'orgueil des nations,
Mais ce fut l'Océan qui attaquâ Neptune,
Car ses ventz orageux furent des Alcions,
leur auçrer le vaisseau de ma bonne fortune.

En fin ie suffocquay les goziers renaissants,
Et l'Hidre des François soubz l'amas de mes palmes,
Et d'une douce paix les Oliuiers croissants,
Ombrageoyent le sejour de mes riuages calmes.

Athlas soustint l'Olimpe, & moy cest Vniuers
Que i'auois faict courber aux faiz de mes Trophées,

Les monts n'estoyent pas tant de leurs neiges couuerts,
Que mes cimes estoyent de mes fleurs estoffees.

Les polles fremissoient aux bruits de mes combats,
Et ceux qui sont sous nous se disoient ma conqueste,
Il ne restoit plus rien de domptable icy bas,
A qui ie neusse mis le pied dessus la tesse.

Bref ie ne faisois plus que prescrire des loix,
Mon noime estoit l'objet des grandeurs de la terre,
Le bon heur me faisoit le monarque des Roys,
Et mon cœur Martial le demon de la guerre.

Pour mon dernier triomphe il me falloit les Cieux,
Mais vn si cher butin ne s'acquiert par la lame,
Et la lame pourrant ce corp audacieux
D'vn cœur d'esperer y a porté mon ame.

Voila tousiours l'acier guide de mon destin,
Icy bas ce fut luy qui forgea mes victoires,
Et puisque les Césars ont vne mesme fin,
L'acier debuioit encor me conquerir ces gloires.

Puis qu'en ma pompe i'eus vn Ciel de petits dieux,
Pour couronner de lys la luron de ma couche,
Il ne me restoit plus que le Nect n des Cieux
Le monde n'ayant rien de digne de ma bouche.

Comme en ce beau sejour l'esprit d'aise trauisi,
Le d'Auphin du grand Dieu me donnoit vne paline,
Mon d'Auphin recepuoit vne couronne aussi,
Mais la sienne est au corps, & la mienne est en la l'ame.

*Ainsi est Pere & fils ensemble sont faictz Rois,
L'un pour offrir des vœux au trosne de sa gloire,
L'autre pour appuyer les Armes de ses Loix,
Et tous deux pour regner au temple de memoire.*

F I N.

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871

1871



